



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Juramenti Testium in iisdem causis Formula XII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Juramenti Testium recipiendorum super eisdem Causis.

F O R M U L A XII.

S U M M A R I U M.

- 1 Juramenta Testium in Processu super Beatificat. Servorum Dei debent recipi tactis Sacris Scripturis, etiamsi sint Sacerdotes, & Prælati, exceptis Cardinalibus, & Episcopis, qui jurant tacto pectore.
- 2 Testes debent esse personæ graves, & fide dignæ.
- 3 Testium hujusmodi depositiones debent recipi in locis deputatis in litteris remissorialibus.

EGO infra scriptus tactis Sacrosanctis Evangeliiis coram me positus, juro dicere veritatem, tam super interrogatoriis, quam super articulis, super quibus examinabor, necnon servare secretum, nec alicui penitus revelare, tam contenta in iisdem interrogatoriis, quam responsiones, ac depositiones à me factas, sub pœna perjurii, & excommunicationis latæ sententiæ, à qua non nisi à Summo Pontifice (excluso etiam majori Pœnitentiario) præterquam in mortis articulo absolvi possim: Et ita promitto, & juro: sic me Deus adjuvet, & hæc Sancta Dei Evangelia.

ADNOTATIONES.

1. **H**Æc Testium juramenti forma præscribitur in iisdem Decretis novissimis Innoc. XI. d. pag. 9. nec præmittenda, præsertim in eo, quod juramentum præstetur tactis Sacris Scripturis ab omnibus Testibus, etiamsi Sacerdotes sint, & Prælati, exceptis Cardinalibus, & Episcopis, quorum juramentum sufficit, quod recipiatur tacto pectore, ut observat Matt. loco citato dicta p. 5. c. 2. nu. 59. ac injungi solet in litteris remissorialibus.

2. Advertere debet Judex, quod cum agatur de re gravæ in hujusmodi causis,

debent semper recipi, & admitti (quantum fieri poterit) personæ graves, fide dignæ, & præsertim Ecclesiasticæ, Dignitates, Canonici, & Sacerdotes, ut monet Matt. dicta par. 5. cap. 5. nu. 10.

3. Et quod eorum depositiones recipiantur in Ecclesiis, Oratoriis, aliisque piis locis ad id deputatis, ut pariter in litteris remissorialibus præscribi solet; nisi infirmitas Testium, vel alia urgens necessitas aliud suadeat. Cætera ad hanc materiam pertinentia videndi sunt, Matt. qui integrum volumen in lucem dedit, & Contilor. qui præcedenter alium tractatum de eadem re evulgavit.